



## Universitätsbibliothek Paderborn

**Disputationes|| ROBERTI BELLAR-||MINI E SOCIETATE  
IESV,|| DE CONTROVERSIIS CHRISTIANAE|| FIDEI,  
ADVERSVS HVIVS TEM-||poris Hæreticos,||**

Tribus Tomis comprehensæ.||

DE CONCILIIS, ET|| ECCLESIA MILITANTE,|| QVATVOR LIRBRIS||  
COMPREHENSA.||

**Bellarmino, Roberto Francesco Romolo <Heiliger>**

**Ingolstadii, [1599]**

**VD16 B 1607**

VI. Soluuntur argume[n]ta ex Scripturis depro[m]pta.

[urn:nbn:de:hbz:466:1-53873](https://nbn-resolving.de/urn:nbn:de:hbz:466:1-53873)

QVARTO, in VII. Synodo act. 3. & VIII. Synodo, act. vlt. can. 1. dicunt Patres se venerari, & recipere etiam localium Conciliorum decreta, immo in eadem VII. Synodo vocantur eiusmodi decreta diuinitus inspirata. Supereft, ut argumenta aduersariorum proponamus, & diluamus.

## C A P V T VI.

Soluuntur argumenta ex Scripturis deprompta.

 DVER S A R I I quatuor argumentorum genera nobis obiiciunt. Vnum ex Scripturis pertinet. Alterum ex testimoniiis Patrum. Tertiū ex ipsis Conciliis, quæ vel cum aliis Conciliis, vel cum Scripturis non raro pugnare videntur. Quartum ex naturali ratione. Sed primum nullas ferè habet vites, ideo breuissimè refutabitur.

OBICIT igitur Caluinus lib. 4. Instit. cap. 9. §. 3. illa loca *Caluinus*.  
Testamēti veteris, in quibus omnes Pastores & Sacerdotes, atque Prophetæ reprehenduntur non solum improbitatis, sed etiam ignorantiae, & erroris. Quale est illud Isai. 56. Speculatores eius cacti omnes, neque quidquam nouerunt, omnes canes muti, nec valent latrare, iacentes dormiunt, & amant dormitionem, & Pastores ipsi nihil sciunt, nec intelligunt. Item illud Osee 9. Speculator Ephraim cum Deo, laqueus ancipis, odium in domo Dei. Et illud Hierem. 6. A Prophetā & qz ad sacerdotem, quisqz sectatur mendacium. Et cap. 14. Prophetæ mendacium prophetant in nomine meo. Denique illud Ezechielis 22. Conjuratio Prophetarum in medio eius, sicut leorugiens, & qui rapit pradam, sacerdotes eius violarunt legem meam, & prophetauerunt sancta mea.

Sed hæc omnia tribus modis soluuntur. PRIMVM enim frequentissimum est in sacris literis, ut propter aliquos malos reprehendantur omnes, propter aliquos bonos laudentur omnes, quo videlicet vehementior sit tum vituperatio, tum commēdatio. Annotauit id S. Augustinus libro de uinestate Ecclesiæ, cap. 12. & multa ex diuinis literis exempla peti possent, sed vnum hoc loco sufficiet. Scribit Apostolus ad Philip. c. 2. Omnes quarunt, quæ sua sunt, nō qua Iesu Christi.

116 Cap. VI. De Conciliorum duct. Lib. II.

Et tamen cap. i. iam dixerat quosdam ex contentione, quosdam ex caritate Christum annunciare. Et cap. 3. ait: *Imitatores mei estote, & obseruate eos, qui ita ambulant, sicut habetis formam nostram*, multi enim ambulant, quos sape dicebam vobis, nunc autem & flens dico, *inimicos crucis Christi*. Et quae sequuntur. Si igitur quidam ex caritate Christum annunciant, & ambulabunt secundum Apostoli formam, ita ut etiam digni essent, quos Philippenses imitarentur, & obseruarent. Non igitur omnes quarebant, quae sua sunt, & tamen suo quodam modo, id est, per figuram intellectio-  
nis, omnes quarebant, quae sua sunt, ut Apostolus loquitur. Non igitur illata Scripturæ testimonia cogunt, ut intelligamus Pastores, & Sacerdotes, & Prophetas Testamenti veteris aliquo tempore omnes simul mendaces, & sceleratos fuisse, sed tantum aliquos.

DE INDE cùm nihil horum dicatur in Concilium Sacerdotum, sed in Pastores, & Prophetas, qui separatis populi decipiebant, non videntur ea testimonia ad rem nostram facere; alia enim ratio est Pastorum in Concilio congregatoris publica auctoritate, & qui Dei nomine inuocato quæstiones diligenter excutiunt; alia vero dispersorum, & quidam in locis quisq; suis sedent, proprio iudicio indulget. Quare eadem Scriptura, quæ tam frequenter in Pastores malos inuitatur, & à falsis Prophetis cauendum esse monet, eadem ut men eos, qui de aliqua re dubitant, ad Concilium Sacerdotum mittit, ac præcipit, ut id obseruet, quod dixerint ij, qui præsunt loco, quem elegerit Dominus. Deuteronomio. 17.

DENIQUE etiam si nihil horum haberemus, tamen non continuò licet omnia, quæ dicuntur in Scripturis aduersus Prophetas, & Sacerdotes Testamenti veteris, illa omnia transferre ad Sacerdotes Testamenti noui, præsertim in Concilio congregatos; certiores enim, & maiores promissiones Dei habet Ecclesia, quam Synagoga. Nec enim de Synagoga usquam legimus, quod de Ecclesia Christus dicit, Matth. 16. *Super hanc petram edificabo Ecclesiam meam, & porta inferi non praualebunt aduersus eam.* Nec id quod Apostolus ait 1. Tim. 3. Eam esse columnam & firmamentum Veritatis. Neque de Caypha scriptum est, sed de Petro: *Rogavi pro te, & non deficiat fides tua.* Luc. 22.

Obili-

Obiicit SECUNDUM idem Caluinus ibidem §. 4. hæc loca *Talming.*  
Testamenti noui, 2. Petri 2. quemadmodum fuerunt in po-  
pulo veteri Pseudoprophetæ, sic & inter vos erunt falsi Do-  
ctores, sectas perditionis insinuantes. Acto. 20. Scio quod  
post discessum meum intrabunt in vos lupi rapaces non par-  
cetes gregi, & ex vobis ipsis erunt, qui loquentur peruersa, &  
abducant discipulos post se. Matth. 24. Et multis Pseudopro-  
phetæ surgent, & seducent multos.

At sanè mirum est, si Caluinus, dum hæc proponeret, non  
ad se ipse oculos reflectebat, ac dicebat: Quid si ego ipse unus  
sint de numero horum infelicium Pseudoprophetarum? cla-  
rissimè enim Christus, Petrus, ac Paulus describunt hæreti-  
cos sub nomine falsorum Prophetarum, qui repugnantes  
doctrinæ, quæ per Episcopos ordinaria successione in Eccle-  
sia præsidentes conseruatur, sectas non metuunt introduce-  
re, vt abducant discipulos post se, & faciant sibi nomen in  
terra, vt alij Lutherani, alij Caluinistæ nominerentur. Tantum  
verò abest, vt de Conciliis Episcoporum intelligi debeant ea  
loca, quæ monent, vt à falsis Prophetis caueamus, vt potius  
ea de causa ordinaria Concilia fiant, vt falsi Prophetæ dete-  
gantur, & confutentur, & tanquam lupi rapaces ab ouili  
Christi procul arceantur.

## CAPUT VII.

### Soluuntur argumenta petita ex testimoniosis veterum Patrum.

**P**O FERVNT secundo loco Patrum testimonia.  
ac primùm Caluinus adducit in medium S. Gre-  
gorium NAZIANZENVM, qui in epistola ad  
Procopium ita loquitur: Ego, si vera scribere ope-  
ret, ita animo affectus sum, vt omnia Episcoporum Concilia  
fugiam, quoniam nullius Concilij finem latum, faustumq; vi-  
di, nec quod depulsionem malorum potius, quam accessionem,  
& incrementum habuerit.

RESPONDEO, non negat Nazianzenus legitima Conci-  
lia certam fidem facere, sed queritur suo tempore nullum  
Concilium fieri potuisse omni ex parte legitimum. id quod